

CYNGOR CYMUNED LLANLLECHID LLANLLECHID COMMUNITY COUNCIL

Clerc	26 Stryd Fawr
<i>Clerk</i>	Bethesda
Caroline Jones	Gwynedd
01248 602131	LL57 3AE
CyngorLlanllechid@ogwen.org	

**Cofnodion Cyfarfod Cyffredinol a gynhaliwyd yng Nghapel Bethlehem ar nos Iau
8fed o Fedi 2022 am 18.30 yh**

1. PRESENNOL:

Ward Llanllechid Isaf

Y Cynghorydd Wyn Bowen Harries
Y Cynghorydd Alun Thomas
Y Cynghorydd Lowri Evans
Y Cynghorydd Geraint Hughes
Y Cynghorydd Evan Jones
Y Cynghorydd Robin Williams

Ward Llanllechid Uchaf

Y Cynghorydd Jên Morris
Y Cynghorydd Dafydd K Jones
Y Cynghorydd Kevin Williams

Croesawyd pawb i'r cyfarfod gan y Cadeirydd Y Cyng. Wyn Bowen Harries.

2. Trafodaeth gyda Beca Roberts ac Abbie Edwards o Awdurdod Parc Cenedlaethol Eryri.

Beca am rannu crynodeb o'r drafodaeth gyda'r Clerc.

3. Ymddiheuriadau

Y Cynghorydd Megan Tomos

4. Cofnodion

Penderfynwyd derbyn a chadarnhau cofnodion y cyfarfod a gynhaliwyd ar y 9fed o Orffnaf 2022.

5. Materion yn codi o'r cofnodion

Twll yn y ffordd ger Wern Bach –Wedi derbyn ebost gan Y Cyng. Dafydd Meurig 23/6/22. Does dim cynnydd wedi ei wneud gyda'r cynllun yma. Y Clerc i ailgysylltu gyda Y Cyng. Dafydd Meurig.

Cysylltiad Fibreoptig –Ymateb cyffredinol wedi ei dderbyn gan Lee Waters AS a Sian Gwenllian AS. Y Cyng. Megan Tomos wedi ail-gysylltu yn gofyn i gael cyfarfod. Dim diweddariad.

Arwyddwyd gan y Cadeirydd _____

Arwyddion Maes y Groes – Dim arwyddion wedi ei osod hyd yn hyn. Y Clerc wedi ehostio Ian Morgan, Cyngor Gwynedd i drefnu ymweliad safle gyda Cyng. Evan Jones. Dim ymateb hyd yn hyn. Clerc i gysylltu gyda Y Cyng. Dafydd Meurig.

Datblygiadau Bronnydd Isaf – Dim diweddariad, nodwyd fod yr adran gorfodaeth yn hynod o brysur ar hyn o bryd a dim ond 2 aelod o staff yn delio gyda'r holl achosion yng Ngwynedd.

Ffordd Llwyn Bleddyn – cais am ddrych –nid yw'r Cyngor yn argymhell rhoi drychau i helpu plant groesi priffyrdd. Mae'n well yn yr achlysur hyn i annog y plant i groesi mewn man mwy diogel ac efallai creu man croesi diogel iddynt. Cyngor Gwynedd am drafod hyn gyda'r uned priodol a ddod yn ôl atom gyda syniadau i ystyried.

Pant Bowls – Ebst wedi ei dderbyn gan Cyngor Gwynedd. Maent yn trefnu cyfarfod gyda contractwr (G-Mec) i ddangos y gwaith iddynt. Gyda bwriad o gyflawni'r gwaith cyn tymor gwlyb y gaeaf. Dim diweddariad.

Bryn Derwas – Y Clerc wedi anfon sylwadau'r Cyng. Evan Jones ymlaen i Gyngor Gwynedd. Cyngor Gwynedd am wneud asesiad o'r lleoliad a chadarnhau os byddent yn darparu bin newydd yma. Y Clerc i ddilyn i fyny.

Llwybr Capel Gilfach fyny at Bronydd – Y Clerc wedi rhannu rhif ffôn y Cyng. Alun Thomas gyda'r adran Llwybrau. Nodwyd fod dim cysylltiad hyd yn hyn. Y Clerc i ddilyn i fyny.

Prosiect Partneriaeth y Carneddau – Ar yr agenda.

Gwaith adnewyddu ar y corlannau - Y Cyng. Kevin Williams wedi cael glawad ffôn gan Dewi Roberts, Ymddiriedolaeth Genedlaethol yn holi i gael cyfarfod. Disgwyl diweddariad.

Cae Peldroed Talybont – Ar yr agenda.

Llwyn Bedw – Adroddwyd fod rhifau 12 a 13 Llwyn Bedw o fewn ffin plwyf Bethesda ac felly yn talu treth y plwyf hwn, ond fod gweddill y stad ym mhlwyf Llanllechid. Y Clerc wedi cysylltu gyda'r Cynghorwyr Paul Rowlinson a Dafydd Meurig i holi am hanes y ffin, a pryd symudwyd y ffin hanesyddol. Y Clerc i gysylltu gyda Chyngor Gwynedd i drio cael gwybodaeth am y sefyllfa a beth yw'r camau i newid.

Ysgol Llanllechid Ebst wedi ei yrru at Bennaeth Cyngor Sir Gwynedd, Pennaeth Adran Addysg Cyngor Sir Gwynedd, Cyngor Cymuned Bethesda, Cynghorwyr Paul Rowlinson a Dafydd Meurig.

Bin Baw Ci Sgwâr Llanllechid - Y Clerc wedi ehostio Cyngor Gwynedd i holi os oes modd symud y bin. Dim diweddariad.

Cyfraddau treth Llanllechid - Derbynwyd ymateb gan Cyngor Gwynedd. Y Cyng. Geraint Hughes i ddrafftio ymateb i Gyngor Gwynedd.

6. Taliadau

Taliadau Brys ers cyfarfod Orffnaf 2022

Julian Johnson	Torri gwair Mis Gorffnaf 2022	£165.00
Cyngor Gwynedd	Archwiliad mewnol	£204.00

Awdurdodwyd y taliadau canlynol:

Julian Johnson	Torri gwair mis Awst	£165.00
Kehoe	Torri gwair Cae chwarae TalyBont	£900.00

Arwyddwyd gan y Cadeirydd _____

Archwilio Cymru	Ffioedd archwilio 2019-2020	£200.00
Archwilio Cymru	Ffioedd archwilio 2020-2021	£294.00

7. Y Mynydd

7.1 Llythyrau dyraniad wedi ei danfon i'r porwyr. Porwyr i dalu erbyn 7fed o Hydref.

7.2 Y Clerc i lythyru Gethin Evans yn croesawu cydweithriad ac am gynnwys y Cyngor yn y broses.

8. Cae Chwarae Talybont

8.1 Keogh wedi trîn y chwyn ar y cae. Y Clerc i gysylltu eto i drefnu ail driniaeth.

8.2 Y Cyng. Alun Thomas yn chwilio am brisiau 'container' i gadw offer. Dim diweddariad.

8.3 Y Cyng. Alun Thomas wedi cael pris am beiriant torri gwair - oddeutu £3000. Dim diweddariad.

8.4 Nodwyd y Cyng. Kevin Williams ar ran y Cyng. Evan Jones, ei fod wedi awgrymu y gellid newid ffin y cae pêl-droed i ganiatáu mwy o leoedd parcio. Y Cyng. Alun Thomas am drafod hyn ymhellach gyda Stad Penrhyn. Dim diweddariad. Y Clerc i chwilio am deeds y Cae Chwarae.

9. Gohebiaeth

9.1 Cais am rhodd gan Elfed Jackson

Cytunwyd rhodd o £250 o gronfa'r mynydd.

9.2 Cais am gyfraniad gan Ysgol Dyffryn Ogwen

Cyntunwyd gyfraniad o £150

9.3 Llwyn Bedw. Derbynwyd gohebiaeth gan drigolion Llwyn Bedw yn codi pryderon am y datblygiadau. Penderfynwyd ysgrifennu llythyr i ddiolch iddynt am y gwybodaeth ac am gadw'r cyngor yn wybodus, unwaith mae'r cyfarfod wedi cael ei gynnal.

9.4 Un Llais Cymru. Cyflwynwyd hyfforddiant sydd ar gael yn ystod Ionawr, Chwefror & Mawrth 2022. Cysylltu gyda'r Clerc os oes diddordeb.

9.5 Enwebu Cynrychiolydd Bwrdd Cyfarwyddwyr Ynni Ogwen. Y Cyng. Wyn Bowen Harries wedi ei henwebu.

10. Adroddiadau gan Gynrychiolwyr

Dim adroddiadau.

11. Ceisiadau a phenderfyniadau Cynllunio

C20/0504/21/LL

Tir ar Fferm Corbri, Llanllechid

Codi tŷ fforddiadwy un llawr, mynedfa, llecynnau parcio, tanc septig ynghyd â thanc cynaeafu dŵr

Penderfyniad: Ar y gweill.

Arwyddwyd gan y Cadeirydd _____

C21/0078/21/CC

Ogwen Bank, Bethesda

Torri a thocio coed sy'n destun gorchymyn gwarchod coed 3/TPO/GCC/17 (ail-gyflwyniad a diweddariad o gais rhif C20/0154/21/CC)

Penderfyniad: Ar y gweill.

C21/0099/21/CC

Ogwen Bank, Bethesda

Mesurau i ddiogelu coed a gorchymyn coed arnynt yn ystod gwaith i uwchraddio'r parc carafanau

Penderfyniad: Ar y gweill.

NP3/21/LB61D

Tan y Garth Cottage, Gerlan, Bethesda

Dymchwel Penty ac adeiladu estyniad unllawr ynghyd a gwaith mewnol mân. Cais Adeilad Rhestredig.

Penderfyniad: Ar y gweill

Nodwyd for Y Cyng. Jên Morris wedi datgan diddordeb.

NP3/21/LB61C

Tan y Garth Cottage, Gerlan, Bethesda

Dymchwel Penty ac adeiladu estyniad unllawr.

Penderfyniad: Ar y gweill

Nodwyd for Y Cyng. Jên Morris wedi datgan diddordeb.

NP3/21/46F

2 Tai'r Cae, Carneddi, Bethesda

Trosi a newid defnydd adeilad allanol gwledig i uned gwyliau hunanarlwyo tymor byr. Gosod offer trin carthion a chreu maes parcio i gerbydau.

Penderfyniad: Ar y gweill

C22/0628/21/LL

1 Maes y Groes, Talybont, Bangor

Dymchwel sied a modurdy presennol i adeiladu clinig asgwrn cefn deulawr ffrâm bren ar yr ôl troed presennol.

Penderfyniad: Ar y gweill

Ceisiadau Cynllunio

Dim ceisiadau newydd wedi ei dderbyn

12. Materion Brys

12.1 Safle bws Talybont Ymholiad gan Y Cyng. Wyn Bowen Harries am y bosibilrwydd o drefnu artisiaeth ysgolion lleol yn y safle. Y Clerc i wneud ymholiadau.

12.2 Tyllau yn y ffordd ger Fferm Ty'n Hendre Y Clerc i gysylltu gyda Cyngor Gwynedd.

12.3 Llwybr wrth ochr Eglwys Llanllechid Y Clerc i wneud ymholidau os yw'r llwybr wedi ei thorri.

12.4 Fferm Ty'n Hendre Hoffai'r Cyngor gyfarch Alun ac Anita Thomas ar ddiwrnod agored llwyddianus.

13. Adroddiad Llais Ogwan – Penderfynwyd y bydd yr adroddiad nesaf yn cynnwys

Rhodddwyd croeso i Y Cyng. Robin Williams.

Cafwyd drafodaeth gyda Beca Roberts ac Abbie Edwards o Bartneriaeth Tirwedd y Carneddau am rai o brosiectau sydd ar y gweill.

Adroddwyd fod Sêl Wyn di-nôd mis Orffanaf wedi bod yn hynod lwyddianus.